



Illustrissimo, & Reuerendissimo Domino

D. ROBERTO BELARMINIO

S. R. E. CARDINALI

Iosephus Castalio S. P. D.



SCRIPSI *TVDIORVM* meorum ratio
ea fere semper fuit, ut inter lucu-
brandum adnotarem, si quid a
recentioribus perperam acceptū,
commissumue esset. Neque ta-
men doctissimis viris, si quando
oscitantes hallucinati sunt, quid-
quam detractum volui. Anno proximo superiore Ob-
servationes in Criticos meas, quibus supremam manū
imposueram, imprimendas in V rbe curavi. quae sub-
inde Lugduni elegantioribus typis iterum sunt excu-
sae. Aduersus eas nescio quis Pierus Cassianus ma-
leuolentissimis obtrectationibus respersam epistolam
diuulgauit, quod plura fortasse, quam voluisset, ad
frigidi potus consuetudinem confirmandam conges-
sissem. Hominem, opinor, urebat. quod errata quae-
dam indicauerim, & calidi potus opinionem exagi-
tauerim. Quare faciendum mihi duxi, ut a calu-
mnijs scripta mea vindicarem, et tota de re accura-
tius differerem, moremque frigidi potus vetustissimum

ad nostra usq. tempora deductum Platonis, Aristotelis, Themistij, Senecae, Hippocratis & Galeni, recentiorumq. medicorum sententia, Poetarum etiam Historicorumq. testimonijs sartum, tectum conseruarem. Controuersiae Arbitrum, Iudicemq. Te Roberte Bellarmini Cardinalis amplissime, quam possum maxime opto. Nam Te disceptatore causam intrepide agam. quod Philosophiae perinde, ac Theologiae Princeps, totiusq. antiquitatis peritissimus hoc nostro saeculo existimeris. quidquid statueris, deciderisue, aequum id esse libenti animo ducam, ratumq. habebo. Te igitur oro, atq. obsecro, obtestorq. ut libellum hunc Apologeticum meum libenter suscipias, rem cognoscas, litem dirimas, meque qua es benignitate, atq. auctoritate tueare. Vale S. R. E. praesidium, & decus.

IOSEPHI CASTALIONIS I. C. A P O L O G E T I C V S

In quo Tranquilli, Senecae, Plauti, & Martialis loca aliter atq.
a Lipsio accepta sunt explicantur.

Item Horatij & Vergilij, & multa de Potu frigido
calidoq. disputantur.

Aduersus Pierum Cassianum.



NONO post Observationum mearum Primae Decadis editionem mense, oblata est mihi epistola Antonio Facchinetto Abbati V.C. inscripta, maledictis, & erroribus referta, cuius sexcenta exempla Bononiae excudenda, atq. edenda commentitio Pieri Cassiani nomine auctor libelli de Calido Potu in contumeliam meam curauit. Et quamquam par pari referre non est consilium, tamen nonnulla quae in me scripsit, libere refellam, si prius eius in me odij causam aperuero. Superioribus annis libello de calido potu edito persuasum, omnibus volebat, quod sibi persuaserat, aquam scilicet feruentem vino admixtam potare quam suauissimum, & quam saluberrimum, & quam vetustissimum esse. neq. animaduvertebat plerisque, se derisui, & ludibrio esse. Vehementer autem irascebatur ei, qui aliter sentire videretur. Quamobrè in me debacchatus est, quod suspicaretur, caput nonum observationum mearum de gelido potu aduersus sententiam suam conscriptum fuisse, eaq. de causa egit vehementer, ut liber meus recens impressus supprimeretur, quod cum minus homini successisset, ad criminationes cōfugit, quas ei libenter condono. Observationes quidem meas, ut par est, tuebor, & quae iratius reprahēdit, sedatius diluam. Primum igitur Suetonij locum, quem perperam a Lipsio acceptum dixeram, grauissimis auctoribus confirmabo, vinosos mero calere solitos, quod suapte natura calor vino insitus sit, ob idq. Ti. Claudium Biberium Caldium ioco vocatum esse, quod ille, inficians, ad aquam calidam rettulit. Liuius libro primo de Tarquiniorum compotantium certamine super vxorum suarum pudicitia, & in viros amore, *incaluerant, inquit, vino*. Audin Ltuium dicere iuuenes vino incaluisse, at qui vino incalescunt. sequitur, ut & calidi sint,

sint, licet aqua calida minus vtantur . Ouidius libro Fastorum secundo extremo de eadem re .

*Quisque suam laudat , studijs certamina crescunt,
Et feruet multo linguaq. corque mero .*

idem libro Fastorum tertio de Annae Perennae festo

Sole tamen, vinoq. calent, annosq. precantur,

Quot sumunt Cyathos, ad numerumq. bibunt.

Horatius Ode xxj. libro tertio

Narratur & Prisci Catonis

Saepe mero caluisse virtus

caluisse Catonem mero testatur Horatius, eum igitur caldum vocare possis, mero inquit caluisse . non igitur aqua calida super infusa.

Et Epodo xj. ad Pectium

Simul calentis inuerecundus Deus

Fervidiore mero arcana promorat loco.

Silius lib. xj. de Capuanorum conuiuio

..... Bacchiq. ex more liquorem

Irrorat mensis turba, ardescitq. Lyaeo.

Ouidius de Arte

Et Venus in vinis ignis in igne fuit .

quod a Platone accepisse, Ouidius videtur . Sic enim ille libro de legibus secundo .

ἀπὸ νομοθετίας, πρῶτον μὲν τοῖς παῖδας μεχρι ἐτῶν ὀκτώ καὶ δέκα τὸ παρὰ τὰν ἡνείκεν μαθήσεσθαι διδασκόντες ἐν ἡλικίᾳ πῦρ ἐπὶ πῦρ ἐχέουσιν ἕως τε τὸ σῶμα, καὶ τὴν ψυχὴν πρὶν ἐπὶ τοῖς σώμασι ἐχέουσιν πορεύεσθαι . idest

*Non ne legem feremus? primum quidem ne pueri ad decimum octauum vsq. annum omnino vinum gustent . Nempe eos monebimus baud quaquam oportere ignem igni, & in corpus, & in animam infundere, & quasi deducere, donec ad constantem aetatem prouecti pares sint laboribus ferendis . Quid plura? hoc qui negat, meridiem quoque lucere neget . Nihil autem ineptius comminisci quis possit; si, quae ex Liuiο, Horatio, & Ouidio de vini calore petita cōtulimus, ea ad ignis, quo calefieri vinum apud veteres solitum esse nullis auctoribus contendat, temere vim referat . Quid vero alienius a Suetonij mente Lipsij commento? Suetonius in Tiberio sic. *In castris tiro etiam tum propter nimiam vini aviditatem pro Tiberio Biberius, pro Claudio Caldus, pro Nerone, Mero, vocabatur .* Lipsius autem Electorum lib. r. capite quarto sic. *Nec ab alia causa agnominatio illa Tiberij Imperatoris Biberius caldus Mero, caldus videlicet a frequenti calidae potu .* Calidam aquam, non calidum, aut calefactum*

vinum

vinum, vt Cassianus non recte attestatur, scripsit Lipsius. Dixi Suetonij sententiam non assecutum esse Lipsium, & vere dixi. quorsum enim pertinent Suetonij verba illa, *ob vini nimiam auaritatem*. quorsum Sexti Aurelij Victoris in eodem Tiberio verba *eleganter, inquit, a iocularibus Biberius Caldus Mero ob vinolentiam nominatus est*. Neq. tergiversari per Plinium licet, qui lib. xiv. capite ultimo de vitanda ebrietate, *sed, inquit, ipsa iuuenta ad merum promior fuerat*, loquitur de Tiberio Imperatore, & cum Suetonio mire conuenit. *ipsa iuuenta. In castris Tiro etiam tum*. Non igitur Caldus vocatus est, quod alia aetate calidum biberet, vt cauillatur Cassianus. *Ad merum promior fuerat*. Non igitur calidam miscuit, propter nimiam vini auaritatem vocatus est Biberius Caldus Mero. Non igitur propter aquam calidam, vt Lipsius putabat. aut propter vinum calefactum, vt somniauit Cassianus. qui tamen in Indice libri de potu calido Italice conscripti. *Tiberium, quod ei aqua calida placeret, Biberium Caldum Meronem appellatum scripsit*. hominem errati supputet indicati. hinc illae lachrimae. hoc Cassiano dolet. mero incalescebat Tiberius. aquam neque calidam, neque frigidam vino misceri sibi patiebatur, quod esset vini meri auarissimus. quam omnino respuebat, vt Catullus, qui hendecasyllabis ad puerum suum pocillatorem aquam abominabatur

At vos quo libet hinc abite lymphae:

Vini pernicies, & ad seueros, Migrate. hic merus est Thyonianus. Dixi praeterea aquam tepidiorem esse apud Senecam, quae rigorem, frigusq. remiserit. idq. docui ex ipsius Senecae Quaestionum Naturalium libro quarto extremo, *Videbis, inquit, quosdam graciles. & pallidos, focaliq. circumdatos pallentes aegros non sorbere solum niuem, sed etiam esse, & frustra eius in scyphos suos deicere, ne inter bibendi moram tepefiant*. Huc accedat Martialis qui lib. 2. Epigr. 1. sic.

Me conuiua leget mixto quincunce, sed ante

Incipiat positus quam tepuisse calix.

quem etiam locum perperam accepit Lipsius, quippe qui tepefieri ibi esse opinetur egelidum fieri remisso feruore, verius enim est ibi e frigido calidum fieri. Ouidius eodem sensu extulit de Ponto lib. 3. Eleg. 4.

Illa bibit sitiens lector, mea pocula plenus,

Illa recens pota est, nostra tepebit aqua.

Contrarijs exornauit metaphoram ingeniosus Poeta. Aqua recens, quae scilicet e fonte, vel puteo recens sit hausta, tepidae opponitur,

tur,

tur, Plenus sitienti . tepida hic , & in Seneca non quæ calorem , sed quæ frigus exuerat, æstiuo aeri diutius exposita . Nam qui sitit , is plane frigidae cupiditate tenetur . Claudianus

Blanda q. largitur frustra sitientibus aegris

Irriguus gelido pocula fonte sopor

Lucretius libro quarto de dormiente sitibundo

Vt bibere in somnis sitiens cum quaerit, & humor

Non datur, ardorem in membris qui stingere possit.

Sed laticum simulacra petit, frustra q. laborat ,

In medio q. sitit torrenti flumine potans.

sed & vigilantibus , & ex venationis labore sitienti Narcisso Ovidius fontem frigidum oblatum libro Metamorphoseos tertio narrat .

Fons erat illimis nitidis argenteus undis ,

Quem neq. Pastores, neq. pastae in monte capellae

Contigerant, aliudue Pecus, quem nulla volucris ,

Nec fera turbarat, nec lapsus ab arbore ramus .

Gramen erat circa, quod proximus humor alebat .

Siluaq. sole locum passura tepescere nullo.

Hic puer & studio venandi lassus, & aestu

Procubuit , faciemq. loci, fontemq. secutus.

Dumq. sitim sedare cupit, &c.

Vides tepescere hic quoq. esse calefcere . Vides item poetam in descriptione algidi fontis plurimum studii posuisse, vt loci opacitate , herbarum viriditate , aquae nitidissimae frigiditate , itinere , atq. aestu fessus adolescens allici facile posset . Expende quaeso , verba omnia .

Siluaq. sole locum passura tepescere nullo

Non igitur quivis fons minus frigidus sitienti satisfacisset . Nec te fugiat a poeta optimo naturam, mores , studiũ , cupiditatẽ cuiusq. diligenter exprimi solere . Cum igitur natura comparatum sit, vt qui sitit, aquam frigidissimã requirat, eiusq. si sit copia, tepidam, & calidam respuat, tepescere apud Senecam, Martialem, & Ovidium , non est frigescere, sed calefcere . quod non animaduertit Lipsius, neq. eius defensor Cassianus . Vitio quoq. mihi vertit, quod Masinum Medicũ , non Criticum notauerim , cum obseruationes meas in Criticos tantum inscripserim . Nodum in scirpo quærit . Masinum perstrinxi, ne supra crepidam . Medicum nimirum ignoratione temporum , & antiquitatis imperitia errare dixi, dum ea in re Criticum se , & Philologum vendicaret . Insimulat item inconstantiae me, quod veritus sim ne saeculi nostri luxuriam gelido veterum potu in medium produ-
cendo,

cendo, quem salubrem esse non negauerim, incitare. Nam Cassianus ita deducit quod salubre est, id & vtile est. vbi vtilitas, ibi nulla luxuria, aut si qua est, vtilitate defenditur, o virtutum, & vitiorum. disceptator accerrime, sicine agitur? defenditur ne vtilitate, quod minus honestum est? aut continuo sequitur, vt quod vtile sit, id & honestum dicas. Socios exuere, pacta non seruare, alterum decipere, fidem fallere, emolumentum, & commodi sui causa vtile quidem cuius fuerit, sed honestum nequaquam. Dixi gelidae potum per calores aestiuos sanis corporibus non esse insalubrem, morem, & luxum antiquorum in niue & glacie ad id adhibenda religiose recensui. Nemini auctor esse volui, vt niuis officinas, & tabernas tanto impendio compararet. eaq. in re luxuriam sum auersatus, licet per aetatem, & iucundum, & minus noxium plerisq. id esset. gelidae vsum laudavi, abusum non probavi, cum ex fonte, puteoue, aut subterraneis cellis recens petita, & hausta sitienti satisfacere possit. Iniuste item accusat me, quod Horatij versus minus ad rem facientes ex Ode xj. libro 2. produxerim.

..... quis puer quis
Reslinguet ardentis falerni
Pocula praetereunte lymphæ?

quem ego locum ita sum interpretatus, minister ab Horatio quaeritur, qui frigidam ex fonte petitam vino austero misceret, quo vini calor minueretur. Cassianus autem, vt est rerum, quae ad manum sunt, fastidiosus, nescio quid abstrusus, ex eruditionis suae arca deprompsit, quod tamen ab Horatij mente alienum est. ardens enim non ad calorem vini, sed ad colorem referri voluit. verum altercandi stud. o toto errat caelo. quid quaeso aqua nisi incendium restinguitur? Audi Porphirionem veterem Horatij interpretem, *ardentis, inquit, falerni, ardentis austerissimi calorem corporibus, & animo concitantis. & bene reslinguet praeciesit, quia ardentis erat subiecturus.* haec ille, quae interpretationi nostrae mire fauēt. Nam puer praesto esse conuiuio iubetur ad aquam e fonte profluenti, non ex camino, aut fornace suggerendam, qua recente, gelidaq. falernum feruens diluatur. Et sitientibus propinetur. Ardens hic dictum est falernum, vt vina feruida Satyra octaua lib. 2.

Feruida quod subtile exsurdant vina palatum.

vides palatum, non oculos affici. non igitur ardens, aut feruidum vinum alio sensu accipiendum his in locis. Praeterea me accusat quod frigidum actu (vtar eius verbis) cum frigido potentia confuderim. Nam vinum, inquit, aqua diluimus ad reprimendum eius ardo-

B

rem

rem quatenus aqua est frigida potentia, non quatenus actu friget, & aquam frigidam hoc modo etiam eam quae summe calet dici affirmat. Primum sibi ipse aduersatur. Nam capite xxj. libri de potu calido aquam esse natura calidam multis argumentis contendit. Sed fortasse hominem memoria defecit, aut sententiam mutauit. Deinde ab Aristotele Themistioq. desciscit, qui libro de anima secundo tactu, & gustatu explorari ab animantibus calidum, & frigidum, siccum, & humidum in alimentis diserte scribunt, ut infra pluribus ostendam. Errat igitur Cassianus, & iniuria me accusat. Vergilij quoque versum ex Georgicis inepte a me allatum ad morem gelidi, potus confirmandum clamat

Poculaq. inuentis Acheloia miscuit uis.

quod ego de gelida, non de calida dictum existimo, quemadmodum & libro Aeneidos Nono legitur, ubi de Italorum disciplina, vita, & virtute gloriose multa praedicantur a Numano.

Durum a stirpe genus. natos ad flumina primum

Deferimus, saeuoq. gelu duramus, & undis.

Audin infantes, qui ad virtutem institerentur, in Italica recens natos in profluentem media hieme immergi solitos, quo frigori a teneris assuescerent. Quamobrem si Acheloia pocula pro aqua calida potius, quam pro frigida ibi acciperentur, aliter bibisse antiquissimos, aliter lauise, aut Vergilium sibi non constare dixeris, quod dicendum non est. Nam morem maiorum poetam retulisse, frigidaque delectatum ex eo intelligimus, quod fontes frigidos, valles, & rupes frigidas commendat, quo argumento vini auidum fuisse Homerum deprahendit Horatius.

Laudibus arguitur vini vinosus Homerus

Verg. eclog. x.

Hic gelidi fontes

Georg. 2.

Speluncae, viuuiq. lacus & frigida tempe

&

O qui me gelidis in vallibus Hemi

Sistat

Aeneid. lib. 8.

Hic luctu ingentem, quem Romulus acer Asylum

Rettulit, & gelida monstrat sub rupe luperca.

quorsum Eclogae quintae versus pertineant, si de calida intelligas?

Quale sopor sessis in gramine, quale per aestum

Dulcis aquae saliente sitim reslinguere riuo.

Postremo me plectendum esse clamat, quod promissis steterisse non videar, lectoremque ad Galeni libros, ubi de gelidae utilitate agitur reiecerim. Proposueram quidem de gelidi potus usu, & salubritate non nulla ex veterum libris afferre, sed ne legentium opera in re

satis

satis aperta abuti viderer, id, vnde peti posset indicaui. Nunc quando hominis importunitati satisfaciendum est, fidem meam absoluā, & de gelido, calidoq. potu ex Medicorum sententia breuiter disputabo. Cynthius Clemens Philosophiae, Medicinaeq. cognitione, atq. vsu insignis, a nobis hac de re Consultus, respondit se multa in Celsanum habere meditata, & adnotata, quae grauioribus occupationibus distentus edere nondum potuisse. locos tamen aliquot Hippocratis & Galeni suppeditauit, quos adscribendos curauimus. Ascanius Mandosius Vir grauissimus Excellentissimi D. Michaelis Peretti Principis Venaefrae Medicus frigidum potum laudat, calidum abhorret, mihiq. Galeni libros vtendos dedit. Angelus Victorius Balneoregiensis Medicus eximius de potu frigido sententiam rogatus ad Alexandri Petronij Medici celeberrimi libros de victu Populi Romani me reiecit infensus nouatoribus. Excellentes item Medici Bernardinus Castellanus, Camillus Gorius, Demetrius Canauarius, Medorus Patriarcha, omnes denique, quibus cum hac de re locutus sum potionem quotidiani victus frigidam probant, calidā damnant. Hippocrates lib. de morb. vulg. sect. 3. *sitis, inquit sedant os claudere, tacere, ventum cum potu frigido inducere*, & libro de dieta salubri. Tex. 31. *quos sitis infestat, cibos bi, & labores minuant, ac vinum dilutum bibant, quam frigidissimum*. Galenus in suis ad Hipp. commentarijs eadem confirmat, & alium eiusdem locum ad id ipsum mirifice facientem affert. idem lib. de cur. Ren. cap. 7. *qua, inquit, aqua homo commodè quouis & tempore, & modo uti possit, ea sit purissima defecata, & leuis, & fontana cuius natura est frigida, quod si etiam cito a praecordijs descenderit, potiore non desiderabis. Haud vero sicut vino, cibus, exercitijs, vigilijs, & somno secundum aetatem, & temperaturarum diuersitatem alijs, atq. alijs uti commodum est, sic etiam aqua non eadem semper uti ex vsu est. Immo quam utilem modo diximus esse, ea uti audacter poteris, & puer, & adolescens, & senex quacumq. naturae differentia sis praeditus. quoniam vero aqua una plus alia frigida reperitur, hac de causa non omnibus prodest aquae frigidae potus indifferenter uti. Verum supramodum calidis pinguibus, & carnosissis naturalis habitu, siue acquisito, & his, qui se vehementer exercent, quiq. consueuerunt frigidam potare, innocua est, si frigidam bibant. quod si aliter aliqui se habeant, minus bibant ex ea, qui vero iuuenili sunt aetate, & in rebus civilibus versantur negotiosius, quam ut exerceri ordinate, & victitare queant, fontanam sumant relicta uiuali aqua. haec ille, ex cuius extremis verbis intelligi facile potest, aquam frigidam, quam supra dixerat inno-*

tuum calidis , nonnullisq. alijs nūalem esse , vel certe niue refrigeratam , quod & libro de cibis boni , & mali succi extremo scriptum reliquit .

Esse autem, inquit, alijs alius modus tam cibi, tum potionis refrigerantis, & in quorum est more positum, ut niue utantur, illi ea ante niue refrigerant, qui vero aqua fontana utuntur, illi aqua recens de fonte hausta contenti niuem non requirunt .

Vides a Galeno Nūalis, & fontanae tantum aquae potum agnoscī, calidae autem rationem non habitam , nō igitur calida frequenter vfos fuisse veteres dixeris . Pergit Galenus . *Si autem & dilutū illud vinum eodem modo ante refrigeratum . ita enim appellare* *ἡψυχρότερον* *Graeci medici solent , quod in frigidissima aqua vase vinario posito ante refrigeratur . atq. haec quidem ego consuluerim ,* *ijs, quorum implicita negotijs vita est, ut sunt qui & populos regunt , & urbes gubernant, ac multo etiam magis eorum ministris, nec minus etiam , qui rem militarem tractant, quiq. longa itinera ingrediuntur, qui autē ab his negotijs liberi sunt rarissime frigidae potione indigebunt, si aestate vigente magnam vim caloris sentiant, sine incommodo de fonte bibant, a niueq. abstineant .* Multa praeterea eiusdem sententiae alijs in libris scripsit . Neq. Auicenna, Rasis , & ceteri Arabes praestantissimi aliter sentiunt . Vir quoq. studiosissimus , & rei Medicinae scientissimus Prosper Martiānus indicauit mihi locum Hippocratis libro de natura pueri . Vbi apertissime docetur frigidum potum pernecessarium esse tuendae valetudini, ducta similitudine ab arboribus . *Repetam, inquit, rursus quod Aestate inferna terrae pars frigida est, Hieme vero calida, superna autem vice versa . & oportet arbori non dūo calida simul accedere , neque duo frigida simul, si sana esse debet . Verum siquidem ex superna caliditas accesserit, ex inferna frigiditatem ipsi accedere oportet . & vice versa si ex superna parte accedat frigiditas ex inferna caliditatem ipsi accedere oportet . & radices ubi attraxerint , arbori transmittunt . & arbor vicissim radicibus , atq. sic & frigidi , & calidi conseruatio contingit . Quemadmodum homini congestis in ventrem cibis, qui dum coquuntur calefaciunt perfrigerationem a potu facere oportet, sic arbori contrarium rependi oportet .* Ab eodem Prospero accepi, quae tradit de Siti Hieronymus Cāpiuaccæus libro tertio de ventriculi affectibus capite septimo ; *in siti inquit locus habet humidum, id est liquidum, nempe cibi vehiculum, quia calor innatus extra , & ad circumferentiam mouetur , idq. eo magis, quo cibus est validior, & ambiens aer calidior . ut ergo hic caloris ad extra motus*

compe-

compescatur, opus est frigido, unde post cibos calidiores, & tempore aestiuo, potus etiam frigidior desideratur. Sitis ergo est appetitus frigidi, & humidi, licet enim sitientes plerumq. magis appetant vinum, quam aquam, utrumq. tamen cibi est vehiculum, & actu frigidum offertur. & paulo supra. Quare cum expediat per famem, & sitim non modo corpus nutrire, verum etiam calidum insitum custodire, per calidum seruatur motus caloris, ne plus iusto concentretur, per frigidum autem custoditur calor, ne plus quam decet extra feratur, unde calidum ad famem attinet, frigidum ad sitim. Res postulabat, ut vniuersum caput describerem, sed neq. illa, neq. Medicorum omnium idem sentientium voces Cassianum ab errore reuocarint. Marfilius Cagnatus vir & libris editis clarissimus, singulariq. litterarum Latinarum pariter & Graecarum cognitione ornatissimus, & Medicus nobilissimus, optimusq. versibus ad me rescriptis hac de re sententiam suam testatus est, & in libris de ciborum, & potionum generibus multa, validaq. argumeta, rationesq. ad frigidum potum retinendum, & calidum explodendum praeclare explicauit, quae primo quoq. tempore typis mandabuntur. Satis superq. ex Medicinae Principum sententia frigidae potum non esse noxium docui. Huc accedit quod Horatius lib. 1. epist. 16. de frigidae aquae salubritate his verbis scripsit.

Fons etiam riuo dare nomen idoneus, ut nec

Frigidior Thracam, nec purior ambiat Hebrus.

Infirmo capiti fluit utilis, utilis aluo.

Cassianus aduersus hunc locum nihil quod diceret inuenit Reliquum est, ut ex Iuuenale ostendam frigidam cariorem, & delicatis gratiorem, atq. hac etiam re potentiores a tenuioribus discretos fuisse. Saryta enim quinta sic.

Si stomachus domini feruet, vineq. tiboq.

Frigidior Geticis petitur decocta pruinis.

Non eadem vobis poni modo vina querebar,

Vos aliam potatis aquam.

Vides frigidissimam patrono exhiberi solitam, contra vero clientibus, quaecumq. esset. non igitur ad sedandam sitim calida utebantur veteres potentiores, neq. calida carior, & delicatior frigida, aut frequentiore in usu fuit. Audiamus Lucretium de Siti libro quarto.

Humor item discedit in omnia, quae loca cumq.

Pescunt humorem, glomerataq. multa vaporis

Corpora, quae stomacho praebent incendia nostra

Disipat

*Dissipat adueniens liquor, ac restinguit, ut ignem.
Vrere ne possit calor amplius aridus artus.
Sic igitur tibi hanc sitis de corpore nostro
Abluitur.*

Suetonius scribit *Augustum pro potione interdum sumpsisse per-
fusus aqua frigida panem, aut cucumeris frustum, aut lactuculae
Tyrsum, eundemq. aestate apertis cubiculi foribus, ac saepe in Peri-
stilo saliente aqua, atq. etiam ventilante aliquo cubasse.* Quis igitur
dixerit ab Augusto vinum calida mixtum vnquam epotum fuisse?
aut Lucretij sententiam de siti per humorem restinguenda aliter
accipiendam, atq. Philosophi, & Medici peritissimi praecipiant, &
Lucretius ipse eodem libro dixerat.

In medioq. sitit torrenti flumine potans
humidi quidem, sed & frigidi copia sitis reprimatur, Si tamen sitis
est. quod Lucretius exposuit.
Ouidius libro Metam. sexto de Latona errante, ac filios infantes in
sinu ferente.

*Sidereo ficcata sitim collegerat aestu,
Vberaq. ebiberant auidi lactantia nati
Et infra*

*Accessit, positoq. genu Titania terram
Pressit, ut hauriret gelidos potura liquores.*

Ouidius & causam sitis, & sedandae sitis rationem aperte con-
trarijs ostendit. De calido autem potu non proletarij tantum, vt a
Cassiano contumeliose appellantur, sed maiorum gentium Medici
Plinio assentiuntur. Nihilq. a quotidiano victu, & a natura esse alie-
nius calido potu arbitrantur. Nemo non idem sentit. nemo non ca-
lidum potum aspernatur, praeter vnum Calsianum, qui aliter atq.
sit in vniuersa Europa, Asia, Africa & toto fere terrarum Orbe, potet.
sibiq. & alijs praescribat, calido potu perpetuo, vtendum esse.
Neq. Horatianum illud subuereatur.

*Nauem agere ignarus nauis timet, abrotanum aegro
Non audet, nisi qui didicit dare. quod Medicorum est
Promittunt medici.*

equidem quae a Medicis hac de re accepi, verecunde attuli, non
enim tantum mihi arrogo, vt concertandi studio quidquam ex inge-
nio contumacius asseram, stomacho scilicet, capitiq. calidam ini-
micam esse, contra vero mirum in modum hominum generi frigi-
dam prodesse Medici veteres attestantur. fuisse autem vtramq.
apud Priscos in usu inficias quidem non eo, sed valetudinarijs qui-
buldam

busdam calidam permissam, eisdemq. frigidam subtractam non ab-
nuo. cum praeter ceteros Galenus huius rei testis sit locupletissi-
mus, & Seneca idem adstipuletur Epistola 78.

*O infelicem inquit aegrum, quare? quia non vino niuem diluit.
quia non rigorem potionis suae quam capaci scypho miscuit. renouat
fracta insuper glacie. & libro de beneficijs secundo capite 54.
Vt frigidam aegris negamus. Et apud Athenaeum Antiphanes.
Aquam in olla mihi qui coquat, neminem aspicere sustinebo, non
enim male valeo.* Calidam quoq. in conuiuijs vsurpatam praeter
Martialem, & Iuuenalem testis est apud Athenaeum Alexis.

*An supra modum hominum stirps curiosa est,
Vt quae plurimum utatur rebus diuersissimis.
Alienos diligimus, gentiles & cognatos negligimus
Bibendam niuem nos praeparamus,
Aqua vero nisi calida sit, seruos obiurgamus.*

& Tarentinus apud eundem in conuiuiis dubitat, & percontatur post
esum ficuum, an aqua gelida bibenda sit, an calida. & in utramq. par-
tem disputat. Calida igitur veteres sunt vsi? quis negat? Verum ex ijs
locis intelligitur calidam medicamento loco, & quidem molesti, non
voluptatis aut deliciarum fuisse, quod & Seneca testatur apertius
epist. 78 *Sed omnia ista facile perferemus, sorbitionem, aquam cali-
dam, & quidquid intolerabile videtur delicatis, & luxu fluentibus,
magisq. animo quam corpore morbidis.*

notandum quoq. calidam non perpetuo in conuiuijs sumptam, sed
aut praesumptam, aut aliquem post cibum haustam, ne quid detri-
menti valetudo acciperet. Pleistonicus apud Athenaeum iubet eos.
*Qui bonae valetudini student, ut copiosum sudorem prouocent, me-
diocriter exerceri, & corpus ut humectetur, ac mollescat in balneis
lauari, ac postea, quod est in primis salutare, aquam praebere vere,
atq. bieme quam calidissimam, aestate frigidam ne exsoluatur sto-
machus, & ea quidem copia mediocrem, eo consilio, ut ante vini potum
inhabitu corporis distribuatur, ne eo vini perueniat integra, & in-
domita vis quae vasorum finibus impaeta mordeat.* Idem fere Gale-
nus libro de cibis boni, & mali succi praescribit, neque ab hac
ratione Plinij verba abhorreere videntur, qui lib. 28. cap. 4.

*Perfundere inquit aqua calida ante balnearum vaporacionem, &
postea frigida saluberrimum intelligitur, item praesumere cibis,
& interponere frigidam, eiusdemq. pota somnos antecedere, & si li-
beat, interrompere.* Notandum nullum aliud animal calidos potus
sequi. ideoq. non esse naturales. Cassianus autem sine villo delectu, &
discr.

discrimine quaecumq. de calido potu congesta legisset, eo pertinere omnia opinatur, vt calida scilicet pleriq. tota vita, omni tempore summa cum voluptate, & vtilitate vterentur; quod omnino ab eorum sententia, quorum testimoniis vtitur, quam alienissimum est. Plinio item conuicium facit, & Philosophum vulgarem appellat, quod calidos potus damnarit. cui tamen Seneca Cassiano locupletior testis assentitur epist. enim 119 qui sint naturales potus non obscure ostendit. *Sitio, inquit, vtrum haec aqua sit ex lacu proximo excepta, an ea, quam multa niue clusero, vt rigore refrigeretur alieno, ad naturam nihil attinet. illa hoc vnum iubet sitim extinguui.* Luxum quidem, & studium suae memoriae in refrigerando potu Stoicus detestatur, sed aquae frigidae potum secundum naturam, esse illis verbis testatur. *Vtrum haec aqua sit ex lacu proximo excepta.* Hinc recentem aquam, & fontanam naturalem esse, cuius potus nullo impendio paratur, intelligimus. Non igitur calidus potus naturalis est. quippe qui studio, sumptuq. & ipse comparetur, ad ignemq. admoueatur. quare iniuste Plinius accusatur. Cassianus nō ita veterem scripta expendit, sed pro libidine testimonia grauissimorum auctorum vel interpretatur, vel Telefiano more non admittit, vel inepte laudat. id quod in Platonica sitis definitione ex Athenaeo petita praestitit. Verba Graeca Athenaei sunt haec.

Πλάτων δ' ἐν πρώτῳ Παιδείας, Ἐπιθυμία ἐν τῇ ψυχῇ ἐπὶ αὐτὸν διψᾷ ἐστίν. διψᾷ ἀρα τοῦ θερμῷ ποτοῦ ἢ ψυχρῷ ἢ πολλῷ ἢ ὀλίγῳ, ἢ καὶ ἐν ὀλίγῳ ποιοῦ τινος, πόματος, ἢ ἐὰν μὴ τις θερμότης τῷ διψᾷ προσέηται τῷ τοῦ ψυχρῷ ἐπιθυμίαν προῖσχετο αὐτῷ; ἐὰν δὲ ψυχρότης, τῷ τῷ θερμῷ. ἐὰν δὲ διασπλήνης παρουσίαν πολλὴν ἢ διψᾷ ἢ ὅτι τῷ τῷ πολλοῦ ὑπαρέχεται, ἐὰν δὲ ὀλίγη, τῷ τῷ ὀλίγῳ; αὐτὸ δὲ τὸ διψᾷ, ἢ μὴ ποτε ἄλλῃ γίνεται ἐπιθυμία, ἢ περὶ φύσιν, αὐτὴ πόματος, καὶ αὐτὸ περὶ τὴν πόματος.

Athenaei locum libro tertio Dalecampius sic vertit.

Plato libro primo de repub. cupiditatem in animo veluti quandam sitim esse tradit. Ac sitim quidem potionis vel calidae, vel frigidae esse appetitum, & vel multi, vel pauci cuiusvis potus. itaq. ad inuncta sitis caliditas si fuerit, frigidi potus desiderium inuehit, sin frigiditas, calidi; si quis vero ob praesentis humoris copiam multam sitit, potionem largiorem is cupiet, sin paucus humor adest, exiguam poscet. Sitis autem prorsus est appetitus natura iustus potionis, vt fames cibi. Haec sitis definitio in libris Platonis *Plato de repub. libro primo*

est quae in Philebo recensetur. *Platonis haec sunt. Δίψας δ' αὖθις ὄρεται, καὶ λύπη, καὶ λύσσις. ἡ δὲ τοῦ ὕδατος πάλιν δι' ἐξοραθὲν ἀπορροῖα δυνάμεις, ἡ δὲ ὕλη. idest, Sitis vero est corruptio, & dolor, & solutio, humiditas autem facultas, quae id quod exsiccatum est, rursus explet, voluptas. Platonis definitionem amplexus, & interpretatus esse Aristoteles libro de anima secundo capite tertio, videtur, qui sitim frigidi, & humidi cupiditatem esse his verbis censuit. πείνα δὲ καὶ δίψα ἐστὶν θυμῷ. καὶ ἡ μὲν πείνα θερμῷ, καὶ ἔξορῳ ἡ δὲ δίψα ὑγρῷ, καὶ ψυχρῷ. idest, fames autem, & sitis cupiditas est. fames quidem calidi, & sicci sitis vero humidi, & frigidi.*

Verum neq. tantae maiestatis Philosophis, neque sacris oraculis manus dabunt altercandi & nouandi cupidissimi homines. Appingamus tamen quod in sacris libris legitur Prouerbiorum cap. 25. *Aqua frigida animae sitienti, & sicut frigus niuis in die messis, ita legatus fidelis, qui misit eum, animum ipsius requiescere facit. Seruo Abrahae petenti, & camelis Rebecca e puteo haustam, hydria aquam frigidam benigne dedit.*

Moses iussu Dei virga Petram percussit, & exiuit aqua vt populus sitibundus biberet. Quaererē ex Cassiano num calida effluerit, an sitis impatiens populus expectarit. dum calefieret aqua? Iterum Moses in deserto sin populo siti confecto, & vociferante bis virga iussu Dei silicem percussit, & egressae sunt aquae largissimae, ita vt populus biberet, & iumenta. dicat Cassianus num aqua Contradictionis calfacta populo, & iumentis recte fuerit praebita. Gedeon Imperio Dei trecentos viros armatos selegit, quibus in bello aduersus Madiam vteretur, quod ij tantum aquas more canum manu ad os proiecta lamberent. reliqua vero multitudo ad decem millia, quae flexo poplite aquam profluentem biberet, domum dimissa. Cacabos adductos, ignemq. excitatum, aut tale quid comminiscetur Cassianus. Dominus noster in nuptijs admonitus, quod vinum hydrijs exsiccatis defecisset, aqua hydrias repleri iussit. eamq. in vinum vertit. dicat quaeso Cassianus, num Architrictinus subiecto igni Hydrias calefecerit, an aquam feruescentem ex culina importandam curarit. Dominus item noster ex itinere lassus, & ad puteum sedens a Samaritana aquam ad potandum petijt, fontemq. inuicem illi salientem, & quidem perennem est pollicitus. de calida fortasse accipendum Cassianus dixerit. Postremo serio respondeat Cassianus, an caenante cum Apostolis Domino mos iste calidi potus seruatus fuerit. Hinc facile intelligi potest morem frigidi potus a mundi primordio ad nostra tempora per manus traditum defluxisse, a nemine contumacius,

macius,quam ab vno Cassiano rerum nouarum audissimo violatum. Homerus,quem morum & rerum scientissimum appellant, in conuiuijs,quae multa recenset,calidae semper lauandi causa,bibendi nunquam meminit . aut enim vinum merum , aut aqua mixtum, quam calidam nunquam fuisse significat , vsurpatum scribit . Polyphemo Vlysses ter ex vtre vinum generosum sine aqua praebuit , quo illum ebrium redditum consopiret . Tantaе autem vehementiae , tantiq. ardoris fuisse vinum illud Homerus narrat , vt vno poculo impleto viginti aquae mensuras misceret Euantes , qui Vlyssidono id dederat . Populus Romanus vel in expeditionibus , vel in agris colendis occupatus vtrum frigida,an calida sitim leuasse sit existimandus,consule Historicos,consule Poetas . Liuius libro primo scribit, *lucum,quem fons ex opaco specu perenni aqua rigabat,Camoemis sacrasse , quod earum sibi concilia cum coniuge sua Egeria essent .* Putandum ne Regem,Egeriam,Camoenas, & quicumq. eo peruenissent,aquam e fonte frigidam,an calefactam maluisse? & lib. 29. scribit *aquam quinq. & quadraginta dierum in nauibus fuisse,cum Scipio in Africam traiecit ,* quaero an calefactam ad ignem potarit miles.Salustius *Metellum in Numidia ex flumine aqua in vtres diffusa iumenta onerasse , tantamq. repente caelo missam vim aquae, vt ea modo exercitui satis , superq. fuerit,cum ad obsidionem I balae proficisceretur ,* Mariumq. eadem ratione Capsam cepisse tradit.calidam vino miscuisse in expeditionibus militem Romanum, aut Numidas , quibus cibum aduersus famem, atq. sitim non libidini . neque luxuriae fuisse Sallustius testatur , credemus? Lucanus lib. quarto de Afranii militibus .

*Incustoditos decurrit miles ad amnes,
Incumbit ripis, permissaq. flumina turbat.
& infra .*

*Disceite quam paruo liceat producere vitam,
Et quantum natura petat, non erigit aegros,
Nobilis ignoto diffusus Consule Bacchus ,
Non auro, Mirrhaq. bibunt , sed gurgite puro
Vita redit . satis est populis fluuiusq. Ceresq.*

aduersus Lucanum Philosophantem Cassianus Milliaria, Dracones, cacabos delicias suas attulerit. quando delicatorem fuisse calidam somniat, reclamante, vt dixi, Seneca . Lipsius calidam vino infusam veteres potasse, vt doceret, Plauti versus ex Milite recitauit, eosq. sine hoc more intelligi non posse scriptum reliquit . idem censuit Cassianus . Ego vero vtrumq. errare arbitror . nullum enim verbum de

aqua

aqua fit tota illa in scaena. Sed vtrique imposuit, quod calidi, calorisque. ibi fiat mentio, neuterque ad vini vim, ardoremque, id referri animaduertit, ut apud Horatium feruida vina, ardens falernum, feruidius merum. Vinosos seruos, anusque Plautus morum imitator repraesentauit. In Milite peti aquam Pyrgopolinices iubet, qua perfunderetur mulier, quam animus reliquerat. Seruus autem iocans nolle se aquam dixit, non enim ad feminae asperisionem respexit, sed sibi vini meracissimi audio consultum voluit. Plauri versus hi sunt

Pyrg. Accurrite intro, afferte aquam.

Palesio ser. Nihil aquam moror. Pyr. Cur. Pa. malo merum,

Curculione, ubi agitur de anu vinosissima

Nomen est lenae multisibibae, & merobibae

Quasi tu lagenam dicas, ubi vinum solet

Cbium esse.

ei anui cum sinum vini dedisset Phaedromus, potanti Palinurus seruus succensens maledicit.

Hoc vide, ut ingurgitat impura in se merum auariter

Plenis faucibus

Phaedromus autem opem illius implorans festiue pollicetur

Nae ego, si fidem seruas mecum, vineam

Pro aurea statua statuam, quae tuo gutturi

Sit monumentum.

Vini meri cupiditate seruos, anusque teneri Plautus cum dicat, quis aquae calidae locum esse somniet? Cistellaria de lena item vinosa.

Quin ego nunc, quia sum onusta mea ex sententia

Quia quae adeo me complexus flore liberi,

Magis libera uti lingua consilium est mihi.

perpusillum tamen frigidae inditum vino in Stichio legimus scaena, cuius initium est, *Agite, ste, ferte pompam. Cado te praeficio Stiche,* ubi decimam aquae partem vino misceri Stichus iubet

Sed interim Stratege noster, cui hic cessat cantbarus,

Vide quot Cyathos hos bibimus, tot quot digiti sunt tibi in manu

Tibi propino decuma fonte. tibi tute inde, si sapias.

& extrema scena

inde huc aquam

frigidam quoque manibus dari solitam antequam accumberent, Plautus testatur. Perfa

*Hoc age, accumbe. hunc diem suauem meum natalem agitemus
amoenum.*

Date aquam manibus.

& alibi.

Cedo aquam manibus puer. appone hic mensulam
quod & Vergilius lib. 1. Aeneid. 1. dixit

. dant manibus lymphas

eade n frigida lauisse feminam Plautus Mostellaria scripsit

Iampridem Ecce hoc frigida non laui magis libenter.

frigida quoq. aspergebatur, vt animus rediret. Plautus
Bacchidib. *Aspersisti aquam*

Trinummo. *ademit animam aegritudo Stasime, tene me.*

St. vis ne aquam

Tibi petam. Ch. res cum animam agebat, offusam oportuit
de calida rursus, ad lauandum tantum Plautus Epidico

abi intro ac iube huic aquam calefieri

Bacch. aqua calet. eamus hic intro, vt laues.

de eadem calidae vsu accipiendi versus Tibulli elegiae vltimae libri
primi ad sordes eluendas.

Ipse suas sectatur oues, at filius agnos.

Et calidam fesso comparat uxor aquam.

Item Horatii Epod. 2.

Sacrum vetustis extruat lignis focum

Lassi sub aduentum viri.

Et Ode 19. lib. 3. *quis aquam temperet ignibus*

Et epist. vlt. lib. 2. *. emptis*

Sub noctem gelidam lignis calfaet abenum.

neq. audiendi sunt, si qui aliter interpretentur. quid enim absurdus fingi potest, quam homini per totum diem in opere rustico versanti, & sitim ex labore collectam frigida leuanti, aquam calidam in potum ad caenam comparari? neminem etiam mos a Graecis Romanisq. vsurpatus latet. vt calidis lauacris ante conuiuium vterentur. Ouid. lib. Metam. octauo eum morem expressit in descriptione conuiualis apparatus, quos hospitibus Philemon, & Baucis praebuerunt.

Inde foco tepidum cinerem dimouit, & ignes

Suscitat besternos, folijsq. & cortice sicco

Nutrit, & ad flammam animam perducit anili.

Multifidasq. faces, ramaliaq. arida testro

Rettulit, & minuit, paruoq. admoit abeno,

& infra

. erat alueus illic

Fagineus dura clauo suspensus ab ansa

*Is tepidis impletur aquis . artusq. fouendos
Accipit .*

Præterea neq. ad valerudinem, neq. ad voluptatem aqua in ahe-
no calefacta, cuiquam conducere videtur ? Nam grauis ille, insalu-
brisq. sapor ex quouis metallo aquae feruefactae accederet . Vi-
truius fistulas quoq. plumbeas ad aquam perducendam improbat
his verbis libro octauo . *Itaq. minime fistulis plumbeis aqua duci
debere videtur , si volumus eam habere salubrem . saporemq. melio-
rem ex tubulis esse quotidianus potest iudicare victus . quod cum om-
nes extructas vasorum argenteorum mensas habeant , tamen propter
saporis integritatem fictilibus vtuntur .*

Quare quid sibi velit de Miliarij cōstructione, deque Draconibus
Castianus, non video. Senecae enim, verba de draconibus, miliarijsq.
non ad potionem, sed ad instrumenta balnearia referenda sunt. nul-
lo enim ille vtebatur potu, nisi naturali , quod ex Epistolis eius in-
telligitur, & aperte testatur his verbis de Seneca Tacitus . lib. xv.
*Dum, inquit, simplici victu , & agrestibus pomis , ac si sitis admo-
neret , profluente aqua vitam tolerat .* Non igitur draconibus, & mi-
liarijs ad aquam calefaciendam in potum Seneca vtebatur. qui neq.
impendia in frigidae potionis vsum probat, cum libro quaestionum
naturalium quarto extremo hac de re sic scriberet . *cum , inquit,
quaerimus quomodo fiat, & dicimus illam pruinae similē habere na-
turam, plus illi spiritus, quam aquae inesse, non putas exprobari il-
lis, cum emere aquam turpe sit , si nec aquam quidem emunt ?* Nos
vero quaramus potius quomodo fiant nives, quam quomodo seruen-
tur . quoniam non contenti vina diffundere veterana, & per sapores,
aetateq. disponere , inuenimus quomodo stiparemus niuem , vt ea
aestatem euinceret, & contra anni feruorem defenderetur loci frigo-
re, quia hac diligentia consecuti sumus Nempe vt gratuitam merce-
mur aquam. Nobis dolet, quod spiritum, quod solem emere non possu-
mus , quod hic aer delicatis , diuitibusq. ex facili nec emptus venit .
O quam nobis male est, quod quidquam a rerum natura in medio re-
lictum est, hoc quod illa flnere & patere omnibus voluit, cuius hau-
stum vitae publicum fecit, hoc quod tam homini, quam feris, auibsq.
& inertissimis animalibus in vsum large, ac beate profudit , contra
se ingeniosa luxuria redegit ad pretiū . Adeo nihil potest illi placere,
nisi carum. vnum hoc erat, quod diuites in aequum turbae deduceret,
quo vno non possent antecedere pauperrimum illi , cui diuitiae mo-
lestae sunt , excogitatum est , quemadmodum etiam aqua caperet
luxuriam .

Vides

Vides dampnari *sumptum* a Seneca in emenda aqua frigefacta. idem dampnasset gulonum luxuriam Lipsianam, Cassianamq. in aqua calefacta cum solitaria, tum vino permixta, si eo tempore in usu, & delicijs fuisset. Audi Senecam.

Cum, inquit, emere aquam turpe sit atqui aqua calefacta pretio emebatur, vt Lipsius, Cassianusq. affirmant; pergit Seneca.

hoc inquit, quod tam homini, quam feris, auibsq. & inertissimis animalibus in usum large, ac beate profudit, contra se ingeniosa luxuria redegit ad pretium.

inuectus esset Seneca in luxuriam etiam calidi potus, si tale quid iam tum excogitatum fuisset.

Nec, inquit, Lipsius, in usu solum antiquitus calida, sed quod miremur in delicijs fuit.

cur igitur Seneca delicias istas calidae non redarguit, cum indignabundus de frigida sic scripserit.

Excogitatum est, inquit, quemadmodum etiam aqua caperet luxuriam.

Ex calidae vero potu non voluptatem sed molestiam percipi, neque calidam, sed frigidam delicatorum esse scripsit Seneca epist. 78.

Sed, inquit, omnia ista facile, perferemus, sorbitionem, aquam calidam, & quidquid intolerabile videtur delicatis, & luxu fluentibus.

Dixi autem Miliarium apud Senecam vas balnearium fuisse, quod & Athenaeus significat. *ἰππολίσκη*, enim, quasi fornaceum lebetem dixeris, appellatum a Graecis scribit. Miliarium igitur non bibendi, sed lauandi gratia comparatum erat. id ex Palladio apertius doceo, qui libro primo titulo quadragesimo de balneis Miliarij collocationem, & usum his verbis describit. *Miliarium vero plumbeum, cui aerea patina subest, inter soliorum spatia forinsecus statuemus. fornace subiecta, ad quod miliarium fistula frigidaria dirigatur, & ab hoc ad solum similis magnitudinis fistula procedat, quae tantum calidae ducat interius, quantum fistula illi frigidi liquoris intulerit.* Nihil igitur erat, quamobrem a balneis ad mensas aquam calidam ex miliarijs isti transferrent. iniuria etiam rerum naturae facta est, quae cum communem homini, cum feris, & auib. potum sine pretio benigne praeuisset, isti nimium ingenio suo tribuentes insuauem, & insalubrem portionem labore, & mercede comparatam credulis quibusdam obtrudere conantur, quod si peccandum in alterutro sit, niuem, & glaciem mihi per aestiuos calores

lores suppeditari malim . vt ex refrigerato potu voluptatem salubrius percipiam . Sed & apud Athenaeum , quem de calido potu , scribens Cassianus laudat , haec de frigida leguntur . *Semius Delius libro secundo Nisiados scribit in Cimolo insula per Aestatem frigidarias specus effodi . in quibus aquae tepentes aestu plena dolia reponantur , illam post inde haurientes niue ipsa non minus frigidam & paulo infra . Pontianus ait veteribus amicissimi viri non ignotus fuit aquae valde frigidae potus . & poetarum veterum versus ad id facientes , & de niue loquentes recitat , & infra . Eleganti quoq. Xenophonti nota fuit in suis commentarijs niuis potio . Chares Mitylenaeus in suis de Alexandro Historijs qua industria nix conseruari debeat , exposuit , quo loco Petrae Urbis Indorum obsidionem enarrat . Scribit enim Alexandri iussu fossas triginta parum inter se distantes excavatas fuisse , easq. niue impletas superiniectis quercus ramis , & niuem longo sic tempore perdurasse . Vinum autem vt gelidum biberent veteres olim refrigerasse Stratis docet in Psychastis . Vinum bibere calidum numquam volet , sed multo magis contra in puteo refrigeratum , aut dilutum niue . multos praeterea veterum Poetarum versus de eadem re appingit .*

Falsum item est quod auctor de calido potu scribit , propterea calidam potionem frigidae praefendam esse , quod calor nobis innatus calido potu reparandus omnino sit . Nutrirī enim simili contendit , contrarium autem contrario nequaquam . Nec legit , opinor , quid Plato in Lyside scriptum reliquerit de hoc physico axioma .

τροπήν γὰρ εἶναι τὸ ἐναντίον τῷ ἐναντίῳ , τὸ γὰρ ὄψων , τῷ ὄψει , ὅθεν αὖ ἀπαλαῦσαι . idest , contrarium contrario alimentum esse . simile autem simili haudquaquam frui . quod & exemplis illustrat . τὸ μὲν γὰρ ξύρον ὕδατος τὸ δὲ ψυχρὸν θερμῷ ἐπιβήμεν . Siccum quidem appetere humidum , frigidum vero calidum .

Sed nec tenere videtur Cassianus quid de duarum sectarum controuerfia super eodem axioma Aristoteles senserit libro de anima secundo capite quarto . δοκεῖ δὲ εἶναι ἡ τροπή . τὸ ἐναντίον τῷ ἐναντίῳ . i . videtur itaque contrarium esse contrario alimentum . Reliqua inde studiosus , lector petet , si libuerit . cognoscet enim , quid de duabus sectis super contrarijs , & similibus Aristoteles statuerit , quem Themistius Paraphrastes explicat . quae item contraria sint , & qua ratione explorentur . capite tertio eodem libro tradit . ἡ γὰρ ἀπὸ τῆς διόθεως ἐκρίσται γὰρ καὶ ὕδατος , καὶ θερμότης , καὶ ψυχρὸς τρέφεται τὰ ζῷα πάντα . i . tactus enim , sensus est alimenti . Nam siccis , & humidis & calidis , atque frigidis

gidis aluntur animantia omnia :

ad quem locum Themistius Paraphraſtes Hermolao Barbaro interprete ſic .

Nam ſiccis , calidis , humidis , frigidis omnia viua ſine dubio veſcitur , aſciſciturq. Atq. ſenſus , quo haec noſcuntur , eſt tactus . Has qualitates cum tangunt animalia imperfecta , ſentiunt non eo modo quod cōtingibiles , ſed eo quq. quod guttabiles ſunt . Ita ſit , vt conuenientes ſibi concilient , appetantque , aliena reſciant , ac fugiant , harum deſiderio teneantur , has ſeiſcant . illas , quantum poſſunt , repellant , illas abominentur , & vitent . Atq. hoc in Ottreis liquido cernere eſt . Illudq. quod diximus , non eſt admodum obſcurum videre , quemadmodum ex calore , humoreq. biſq. aduerſis duabus qualitatibus , praecipuum alimentum conſtet . Hæc enim ſines iſſiſſimis & ſiſſis latiffime , apertiſſimeq. demonſtrant . Nam fames , ſicci , & calidi appetitio eſt , ſitis frigidi , & humidi . Siqua vero alia ſint ; quæ in cibo appetat impotens gula , ex accidenti , & ſuperſtuo appetuntur . hæc Themistius .

Praeclare quoque de contrariorum vi Marſilius Cagnatus libro primo de Sanitate tuenda capite tertio , & trigefimo diſputat , eandemq. ſententiam carminibus ad me reſcriptis elegantiffime complexus eſt .

*Quo ſtudio Natura paret , quæ vitæ animantium
Conducunt , iſ unde ſalus , mirabile diſctu eſt .*

*Mutua quæ ſe ſe oppugnant , odia & fera ſemper
Exercent , ea ſunt tanta quæ temperat arte ,
Accipiant inde vt vitam , certamq. ſalutem .*

Quod facere ipſa etiam Naturæ ars æmula tentat .

Ferrum , non ne vides , vt durum molliat ignis ,

Atq. rigens mox duret aqua ? haud ſecus algida nobis

Pocula poſt epulas ventres , & pectora firmant .

Hieronymus Mercurialis , qui celeberrimis in Italiae Urbibus Medicinam annos quadraginta , & amplius ſumma cum gloria & fecit , & profeſſus eſt , multique doctiſſime ſcriptis , editiſque voluminibus proxime deceſſit , maximo apud omnes bonos fui deſiderio relicto , iſtam de calido potu temere a quibuſdam excitatam opinionem , qua inter familiares ſermonibus , qua publicis de ſuggeſtu diſputationibus , qua ſtilo & ſcriptionibus exagitaui , & perſecutus eſt , idem aiebat ne belluas quidem ſeruienti aquæ os admouere cōſueſſe . quod plerique omnibus quotidiano experimento manifeſtum eſt . Contra vero frigida potioni adeo fauit , vt rationem
vtendi

vtendi glacie durissima , pure , defecateq. concreta , sine, villo va-
letudinis detrimento excogitarit. Eam Magnus Etruriae Dux
Ferdinandus cum Aulicis suis suauissime, saluberrimeque vsurpat.
Potaturo glacies in Cyathum inditur. sic fit, vt nihil praeter fri-
gus ex glacie vino accedat. Quare cum frigide bibendi mos Phi-
losophorum , Medicorumq. sententijs commendatus apud omnes
gentes omnibus saeculis fuerit frequentissimus , nouatores istos
contemnamus .

Errat etiam Cassianus cap. xvij. lib. de potu calido, vbi Roma-
nos per aestiuos tantum calores frigido potu , alijs rursus tempo-
ribus calido vsos fuisse innuit. Cassianū confutat Seneca lib. quaeft.
Nat. quarto his Verbis. *Vbi quotidianis cruditatibus non temporis
aestus, sed suos sensit . Vbi ebrietas continua visceribus insedit, &
praecordia bile , in, quam vertitur, torret , aliquid necessario quae-
ritur, quo aestus ille frangatur, qui ipsis aquis incalecit . remedijs
incitat vitium . Itaq. non Aestate tantum, sed etiam media Hieme
niuem hac causa bibunt .*

Viden' Cassiane, in quem scopulum impegeris, morem maiorum
ignoras, & tamen audes ista nobis obtrudere . Si beati , diuites, &
luxu fluentes niuem vino iniectam quouis anni tempore potabāt.
quid a tenuioribus factitatum existimas? M. Agrippae scilicet Ge-
neris Augusti , qui aquas in Vrbem perduxit, beneficio utebantur.
non igitur aqua calida Potentioribus voluptati vnquam fuit . Sed
per oriū friuola , & nugatoria de potu calido argumēta tua dilue-
mus. quod praestari a me nō posse gloriose scribis. Sed iā sit finis.

Habes sententiam meam de potu frigido , calidoque , &
quid me in hanc harenam, descendere inuitum coegerit .
Equidem constitueram silere, & silētio declarare, quam istius ma-
ledicta contemnerem . Verum ne causae dictionem subterfugere
viderer. quod ea esset mea causa, quae nullis patronis defendi pos-
set, faciendum mihi necessario fuit, vt maleuoli calumnias , dilue-
rem. Terentianum enim illud me admonebat .

Hic maledictis respondere volui, non lacessere.

Benedictis si tertasset, audisset bene .

Quos autem versus scripisse me ad Virum vndecumq. doctissi-
mum Marsilium Cagnatum, quosque illum ad me humanissime
remisisse dixeram, eos apponendos curauī, quo tanti Philosophi ,
Mediciq. sententia disputationem clauderet, controuersiamque
apud sanioris consilij homines prorsus tolleretur .

MARSILIO CAGNATO
PHILOSOPHO, ET MEDICO
PRAESTANTISSIMO.



Iosephus Castalio I. C.



*ESPERIAE lumen nostrae CAGNATE, notavi
Ingentes Criticos, quos saecula nostra tulere.
In veterum siquid peccarunt scripta virorum
Humano lapsi ritu. Non gloria falsis
Illecebris mendax tantum me misit in agmen,
Non odium alterius famae, aut petulantia linguae,
Mirificus sed amor veri, studiumq. docendi
Quidquid perdidici vigilatis noctibus ipse.
In nostros furor armauit, liuorq. labores
Pectora cruda senis rigidi, feruentibus undis
Addita qui sitiens Dionysia pocula sorbet
Frigidus, inq. sua ignaros noua somnia cogit.
Dormis Bacche? nefas nec taetrum ulciscere laesus.
Ignibus ereptum seruarit Iuppiter olim
Frustra igitur, si te hic Vulcano impune laceffat.
Non ea sortitus cunabula diceris infans,
Sed puerum Nymphae gelidis aluere sub antris.
Te quoq., cui rerum causae, cui prodita terris
Cuncta patent, Opiferq. audis CAGNATE, precamur,
Insando ne ausu Brbomium prohibere recuses,
Neue sinas nostros insano dente libellos
Diferri. Si nostra tuis sententia scitis
Conuenit, & si quid studio meruisse videmur.*



IOSEPHO. CASTALIONI. I. C.
E T. BONARVM. LITTERARVM
CVLTORI. EGREGIO



MARSILIVS. CAGNATVS.



V N E R A qui Bacchi miscere calentibus undis
Edocet, & gelidis ardentia pocula praefert.
O si unquam ille graui feruentia viscera febre
Sentiat, atq. acres imo de pectore fumos
Euomat. haud illi gratissima munera, fontes
Virginis argentes latices, nec Marcia donet.

*Sed tantum laudata sibi tunc pocula potet.
Est, opibus qui pauperiem, qui corpora sanis
Infirma, & docto ignaros, oculisq. potenti
Luminibus castos praefert, & talia multa
Non timet absurda, & sanae contraria menti
Scribere, & incautis arguta sophismata ferre,
Quid mirer bone Castalio (secunda liquore,
Magnaq. Castalio cui infundit pocula Phoebus)
Esse etiam stygios potus, epulasq. nefandas,
Quos laudare iuuat, mentes, & fallere inertes?
Quo studio Natura paret, quae vitae animantium
Conducunt, is vnde salus, mirabile dictu est.
Mutua quae se se oppugnant, odia & fera semper
Exercent, ea sunt tanta quae temperat arte,
Accipiant inde ut vitam, certamq. salutem.
Quod facere ipsa etiam Naturae ars aemula tentat.
Ferrum, nonne vides, ut durum molliat ignis,
Atq. rigens mox daret aqua? haud secus algida nobis*
D 2 Pocula

*Pocula post epulas ventres, & pectora firmant.
 Non mihi Atbos, Hemusue unquam, non frigida Tempe,
 Caucasus aut ingens, Apenninusue petendus,
 Vnde niuem potem, vel aquam potare rigentem
 De niue perdiscam, sed erit mihi frigida cella,
 Fons Triviaeq. satis, sed nec spumantia abena
 Posco, nec inuitus cupientibus illa relinquo.
 Tu quoq. calfaetis dapibus permisce rigentes
 Castalis calices, ut sit tibi firma senectus.
 Qua solitos possis studiorum ferre labores,
 Priscorumq. stilo scripta illustrare recenti.
 Quod cum laude tuum nomen per saecula ducat.*





MARSILIO CAGNATO
PHILOSOPHO. ET
MEDICO. EXIMIO.

Iosephus Castalio I. C.

CAGNATE Aonidum decus sororum,
Doctis muneribus tuis beasti
Multis nominibus tibi obligati
Mentem Castalionis excitatam
Libris, carminibusq. Apollinari
Plectro, numine, laurea.q. dignis.
Aegrotos prohibes aquis Auerni,
Longe funera summones, luemque.
Vitae flamina protrahis cupitae.
Iam non Vrbis Epidaurium requirat.
Scribis, postera quae reuoluat aetas.
Iam Germania, Celticusq. libros
Admiratur, & obstupefcit Orbis,
Quos terris studium tuum parauit.
Sic fers auxilium procul repoflis,

Et

*Ei mortalibus aduehis salutem ,
Qui sunt , quiq. alijs erunt in annis ,
Dum morbi populos prement per Orbem .
Quo te frigidae Cassiane vertes ?
Scyphos excutient tibi Calentes
Nostri carmina Apollinis , nefasque
CAGNATO fuerit monente riclus
Te diducere , & obloqui vicissim .
Bacchum ne perimas calente abeno .
Chartas iustius ignibus cremato ,
Quas mendis miser illinis trecentis :*

F I N I S .

